



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-11-17012/23
Sarajevo, 26.10.2023. godine

MINISTARSTVO FINANSIJA
KANTONA SARAJEVO
Ul. Maršala Tita br. 62
71000 Sarajevo

Predmet: Izvještaj o programskom izvršavanju Budžeta Kantona Sarajevo – razdjel
Ministarstvo zdravstva za period 01.01.- 30.09.2023. godine – dostavlja se

U skladu sa čl. 36. i 45. Zakona o izvršavanju Budžeta Kantona Sarajevo za 2023. godinu (“Službene novine Kantona Sarajevo” broj: 15/23), dostavljamo Izvještaj o programskom izvršavanju Budžeta Kantona Sarajevo – razdjel Ministarstvo zdravstva za period 01.01.- 30.09.2023. godine kako slijedi:

U Budžetu Kantona Sarajevo za 2023. godinu na razdjelu Ministarstva zdravstva Kantona Sarajevo planirano je 19.449.532 KM, od čega za:

- tekuće izdatke organa uprave – Ministarstvo zdravstva = 1.560.932 KM;
- tekuće transfere = 11.320.400 KM;
- kapitalne transfere = 6.548.200 KM;
- nabavku opreme = 20.000 KM.

U periodu 01.01. - 30.09.2023. godine Ministarstvo zdravstva je utrošilo ukupno 5.568.470,96 KM ili 28,6% ukupno planiranih sredstava u Budžetu Kantona Sarajevo, i to za:

- tekuće izdatke Ministarstva zdravstva utrošeno je 781.642,13 KM ili 50% od planiranog iznosa,
- tekuće transfere utrošeno je 2.950.474,12 KM, što je 26,06% od planiranog iznosa,
- kapitalne transfere utrošeno je 1.833.884,77 KM, odnosno 28% planiranog iznosa,
- nabavku opreme za potrebe Ministarstva zdravstva utrošeno je 2.469,94 KM, ili 1,6% planiranog iznosa. Preraspodjelom sredstvava na ovu poziciju je preusmjeren iznos od 137.000 KM za nabavku sanitetskog vozila za potrebe Zdravstvene ustanove „EMAUS“ Srebrenica.

I – Tekući transferi

Za finansiranje tekućih transfera Ministarstva zdravstva Kantona Sarajevo u 2023. godini planirano je ukupno 11.320.400 KM, a utrošeno je 2.950.474,12 KM, ili 26,06%. Doznačena sredstva korisnicima sa pozicije tekućih transfera su namjenski utrošena kako slijedi:

1. Tekući transferi pojedincima

1.1. U okviru programa Tekući transferi pojedincima finansirano je zdravstveno osiguranje trudnica i porodilja, koje na drugi način ne mogu ostvariti ovo pravo. Skupština Kantona Sarajevo je na sjednici održanoj 25.09.2019. godine donijela Odluku o izmjeni i dopuni Odluke o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području Kantona Sarajevo, čime je obezbijeđen pravni okvir za uplatu zdravstvenog osiguranja za trudnice i porodilje koje na drugi način ne mogu ostvariti ovo pravo. Po ovoj Odluci Ministarstvo zdravstva vrši uplatu naknade u iznosu od 20 KM mjesečno na ime doprinosa za obavezno zdravstveno osiguranje po jednoj trudnici/porodilji, do isteka 6 mjeseci od dana poroda. U periodu 01.01. – 30.09.2023. godine utrošeno je ukupno 5.060,00 KM za ove namjene.

1.2. Za finansiranje prava RVI Kantona Sarajevo u 2023. godini planirana su sredstva u iznosu od 4.295.000 KM, a realizacija se vrši u skladu sa Odlukom o proširenom obimu prava za korištenje medicinskih sredstava i lijekova za ratne vojne invalide sa područja Kantona Sarajevo (Službene novine Kantona Sarajevo”, broj: 13/04, 11/06, 16/11 i 38/18). U periodu 01.01. – 30.09.2023. godine utrošeno je ukupno 2.685.196,61 KM, odnosno 62,5% od ukupno planiranih sredstava. Realizacija planiranih sredstava je uslovljena blagovremenom dostavljanju faktura na plaćanje za izdata medicinska sredstva i lijekove za ratne vojne invalide u skladu sa navedenom Odlukom.

2. Tekući transferi neprofitnim organizacijama

2.1. Odlukom o usvajanju Programa utroška sredstava sa kriterijima raspodjele sredstava tekućih i kapitalnih transfera utvrđenih Budžetom Kantona Sarajevo za 2023. godinu Ministarstva zdravstva Kantona Sarajevo (br: 02-04-19964-4/23; 02-04-35120-23/23 i 02-04-40230-8/23) raspoređena su sredstva planirana na poziciji Prevencija, očuvanje i unapređenje zdravlja stanovništva Kantona Sarajevo. Na pomenutoj poziciji planirana su sredstva u iznosu od 2.500.000 KM. Preraspodjelama sredstava sa ove pozicije preusmjeren je iznos od 512.000 KM, te su na ovoj poziciji preostala sredstva u iznosu od 1.988.000 od čega je u izvještajnom periodu realizovan iznos od 253.333,54 KM i to za:

- Usluge mrtvozorstva koje se obavljaju u skladu sa rješenjima o imenovanju doktora medicine ovlaštenih za pregled, utvrđivanje vremena i uzroka smrti osoba umrlih izvan zdravstvene ustanove na području Kantona Sarajevo. Za usluge mrtvozorstva koje se obavljaju u skladu sa Ugovorom o finansiranju usluga utvrđivanja vremena i uzroka smrti osoba umrlih izvan zdravstvenih ustanova na području Kantona Sarajevo, koju pruža Javna ustanova Dom zdravlja Kantona Sarajevo, broj: 10-11-1325/23 od 01.02.2023. godine i Ugovorom o finansiranju usluga utvrđivanja vremena i uzroka smrti osoba umrlih izvan zdravstvenih ustanova na području Kantona Sarajevo, koju pruža Javna ustanova Zavod za hitnu medicinsku pomoć Kantona Sarajevo, broj: 10-11-1327/23 od 01.02.2023. godine. Za usluge mrtvozorstva u 2023. godini planirana su sredstva u iznosu od 200.000 KM, a u periodu 01.01. – 30.09.2023. godine utrošeno je 84.333,54 KM ili 42,16% planiranih sredstava za ovu namjenu.



- Na ime nabavke lijeka metadon i skrining testova, u izvještajnom periodu, doznačena su sredstva u iznosu od 100.000,00 KM JU Zavod za bolesti ovisnosti KS.

- Na ime podrške organizaciji i održavanju naučnih skupova iz oblasti zdravstva u izvještajnom periodu realiziran je iznos od 69.000 KM koji je doznačen slijedećim udruženjima: Institut za populaciju i razvoj (10.000 KM), Društvo za medicinski i biološki inženjering (5.000 KM), Alzheimer udruženje „AiR“ (5.000 KM), Udruženje „BABY STEPS“ (2.000 KM), ECONOMIC ADVISOR (5.000 KM), Udruženje inženjera medicinske radiologije (5.000 KM), Naučno istraživački institut „VERLAB“ (10.000 KM), Internacionalna akademija nauka i umjetnosti u BiH (5.000 KM), Udruženje „STOL“ (10.000 KM), Udruženje „Donorska mreža“ (5.000 KM), Udruženje zdravstvenih ustanova i uposlenika privatne prakse Kantona Sarajevo (5.000 KM) i Udruženje „SINERGIJA“ (2.000 KM).

2.2. Na osnovu izvršenja sudskih presuda i rješenja o izvršenju, u periodu 01.01. – 30.09.2023. godine utrošeno je 6.883,97 KM.

II - Kapitalni transferi

Za finansiranje kapitalnih transfera Ministarstva zdravstva Kantona Sarajevo u 2023. godini planirano je ukupno 6.548.200,00 KM, od čega su sredstva u iznosu od 1.733.200 KM budžetska sredstva, a 4.815.000 KM kreditna sredstva. Pored navedenih sredstava preraspodjelom su obezbjeđena dodatna namjenska sredstva u iznosu 375.000 KM na ime nabavke RTG aparata za potrebe JU Zavod za hitnu medicinsku pomoć Kantona Sarajevo.

Takođe, potrebno je pomenuti i dodatna sredstva razgraničena iz prethodnih godina u iznosu od 7.247.744,50 KM, a odnose se na kreditna sredstva iz 2019. godine (11.831,02 KM), kreditna sredstva iz 2021. godine (2.410.896,48 KM), kreditna sredstva iz 2022. godine (3.661.360,00 KM), namjenska sredstva u iznosu od 813.657,00 KM iz 2021. godine, te transfer iz Budžeta FBiH za 2022. godinu u iznosu 350.000,00 KM.

Realizacija kreditnih sredstva iz 2019. godine

Ugovorom o kreditu zaključenom dana 27.09.2019. godine između Kantona Sarajevo i Razvojne banke Federacije BiH odobrena su kreditna sredstva Razvojne banke Federacije BiH u ukupnom iznosu od 3.405.000,00 KM za finansiranje projekata na razdjelu 20 - Ministarstvo zdravstva Kantona Sarajevo. Ukupna neutrošena sredstva po ovom kreditnom zaduženju razgraničena u 2023. godini iznose 11.831,02 KM. **U periodu 01.01. – 30.09.2023. godine nije bilo realizacije ovih sredstva.**

Na poziciji KAU0A5 – Izgradnja, rekonstrukcija i sanacija JU Dom zdravlja KS preostala kreditna sredstva u iznosu od 10.601,19 KM namjenjena su za zamjenu vrata na Odjelu radiologije u OJ DZ Stari Grad i ulaznih vrata na ambulanti Podlugovi. Sredstva će biti doznačena izabranom dobavljaču nakon okončanja radova.

Napominjemo da je po gore navedenom kreditu za nabavku opreme za potrebe Kliničkog centra Univerziteta u Sarajevu odobreno 1.825.000 KM, a da je za planiranu nabavku opreme utrošeno 1.824.557,50 KM, te je ostao neutrošen iznos od 442,50 KM. Pored navedenog, preostala odobrena, a neutrošena sredstva za Projekat nabavke opreme za JU Dom zdravlja Kantona Sarajevo iznose 310,08 KM, kojem su prilikom posljednjeg razgraničenja sredstava iz prethodnog perioda u Budžet Ministarstva zdravstva za 2023. godinu pridodata neutrošena sredstva za Projekat informatizacije JU Opća bolnica „Prim. dr Abdulah Nakaš“ u iznosu 477,25 KM.

S tim u vezi predloženo je Ministarstvu finansija da se neutrošena kreditna sredstva Razvojne banke Federacije BiH odobrena po Projektu nabavke opreme za potrebe KCUS i Projektu nabavke opreme za JU Dom zdravlja Kantona Sarajevo u ukupnom iznosu od 1.229,83 KM preusmjere u druge namjene.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-104, Fax: + 387 (0) 33 562-243
Web: <http://mz.ks.gov.ba>, E-mail: mz@mz.ks.gov.ba

Realizacija kreditnih sredstva iz 2021. godine

Ministarstvo finansija Kantona Sarajevo je aktom broj: 08-04-11-3787-27/21 od 14.09.2021. godine informisalo ovo ministarstvo da su odobrena sredstva iz kreditnog zaduživanja u 2021. godini u ukupnom iznosu od 3.521.000 KM za slijedeće projekte:

Red. br.	Subanalitika	Naziv programa	Iznos u KM
1.	KAU026	Nabavka opreme za JU Dom zdravlja KS	1.150.000
2.	KAU0A5	Izgradnja, rekonstrukcija i sanacija JU Dom zdravlja KS	600.000
3.	KAU0B1	Rekonstrukcija i sanacija Centralnog objekta JU Zavoda za hitnu medicinsku pomoć KS	1.000.000
4.	KAU0B3	Izgradnja, rekonstrukcija i opremanje javnih zdravstvenih ustanova Kantona Sarajevo, od čega:	771.000
	1.	Nabavka opreme za JU Zavod za hitnu medicinsku pomoć KS	50.000,00
	2.	Nabavka opreme za JU Zavod za zdravstvenu zaštitu žena i materinstva KS	249.000,00
	3.	Sanacija na objektima Kliničkog centra Univerziteta u Sarajevu	150.000,00
	4.	Sanacija i adaptacija objekta JU Opća bolnica „Prim. dr Abdulah Nakaš“	208.000,00
	5.	Sanacija objekta JU Zavod za zdravstvenu zaštitu žena i materinstva KS	30.000,00
	6.	Nabavka opreme za JU Opća bolnica „Prim. dr Abdulah Nakaš“	84.000,00
		UKUPNO:	3.521.000

U cilju realizacije navedenih projekata, koji su odobreni da se finansiraju iz sredstava kreditnog zaduživanja u 2021. godini, Ministarstvo zdravstva Kantona Sarajevo je sa javnim zdravstvenim ustanovama Kantona Sarajevo zaključilo Sporazume o međusobnim pravima i obavezama na realizaciji istih.

Sporazumima je regulisano da javne zdravstvene ustanove Kantona Sarajevo, koje su implementatori projekata, odmah pokrenu procedure javnih nabavki za izbor najpovoljnijeg ponuđača u skladu sa Zakonom o javnim nabavkama što su iste i učinile, te vas u vezi sa navedenim obavještavamo o slijedećem:

1. Nabavka opreme za JU Dom zdravlja Kantona Sarajevo (1.150.000 KM) podrazumijeva više postupaka javne nabavke, obzirom da sam projekat obuhvata 19 različitih stavki. Većina planiranih postupaka je okončana, te su zaključeni ugovori sa izabranim dobavljačima. Do kraja 2022. godine od ukupno odobrenih sredstava za Projekat nabavke opreme za JU Dom zdravlja KS realizirano 603.949,17 KM (računari – 49 kom., klima uređaji – 8 kom., vozilo – 1 kom., etaloniranje, stomatološke stolice – 5 kom., frižideri – 40 kom., transportni frižideri – 10 kom., hladna soba – 1 kom.). Neurošena sredstva po ovom kreditnom zaduženju razgraničena u 2023. godinu iznose 546.050,83 KM, od čega je u izvještajnom periodu utrošen iznos od 485.182,53 KM



Adresa: Reisa Džemaludina Čauševića 1, 71 000 Sarajevo
 Tel: + 387 (0) 33 562-104, Fax: + 387 (0) 33 562-243
 Web: <http://mz.ks.gov.ba>, E-mail: mz@mz.ks.gov.ba

za nabavku radiološke opreme (digitalni RTG aparat - 1 kom.; UZV aparat - 3 kom.; digitalni detektor 1 kom.), kao i nabavku motornog vozila sa rashladnim sistemom za hladni lanac. Preostali iznos po ovom kreditu, u iznosu od 60.868,30 KM planiran je za nabavku i ugradnju benzinskih agregata (10 kom.).

2. Projekat izgradnje, rekonstrukcije i sanacije JU Dom zdravlja KS (600.000 KM)

Ovaj projekat obuhvata sanaciju dva objekta (OJ Centar i OJ Ilijaš). Kada je riječ o objektu OJ Dom zdravlja Centar, postupak izbora najpovoljnijeg ponuđača je okončan, firma Simpro d.o.o. Doboj je izabrani izvođač radova za zamjenu stolarije na objektu i ovi radovi su u toku, a prema informaciji JU Dom zdravlja Kantona Sarajevo isti se privode kraju, dok je za poslove sanacije fasade izabrana firma Baum Paleta d.o.o. Sarajevo i izvođač čeka da bude uveden u radove. Postupak izbora najpovoljnijeg ponuđača za objekat OJ Dom zdravlja Ilijaš je okončan, potpisan je ugovor sa izabranim ponuđačem ZZ GROS COMP d.d. Hadžići i radovi su u toku. U izvještajnom periodu nije bilo realizacije ovih sredstava.

3. Projekat rekonstrukcije i sanacije Centralnog objekta JU Zavoda za hitnu

medicinsku pomoć KS (1.000.000 KM) - Na prijedlog JU Zavod za hitnu medicinsku pomoć, Vlada Kantona Sarajevo je Odlukom broj: 02-04-7957-8/21 od 11.03.2021. godine, usvojila Projekat „Rekonstrukcija i sanacija centralnog objekta JU Zavod za hitnu medicinsku pomoć Kantona Sarajevo“. Ukupna procjenjena vrijednost Projekta iznosi 3.774.747,60 KM Prema informaciji dostavljenoj od strane ove ustanove projektant URBIS CENTAR dostavio je Zavodu za izgradnju KS kompletan izvedbeni projekat ovjeren od strane Revidenta. Pribavljene su sve potrebne dozvole, ali javni poziv za izbor najpovoljnijeg ponuđača još nije pokrenut. Naime, Ministarstvo zdravstva KS zaprimilo je akt Zavoda za izgradnju KS broj: 03-45-4948/23, kojim je ovom ministarstvu dostavljen Izvještaj o realizaciji Projekta rekonstrukcije i sanacije centralnog objekta JU Zavod za hitnu medicinsku pomoć Kantona Sarajevo (u daljem tekstu: Projekat). U pomenutom izvještaju, između ostalog, navodi se da do sada obezbjeđena sredstva u iznosu od 2.000.000 KM nisu dovoljna za realizaciju projektovanih radova, te se predlaže da se prema projektantskoj procjeni obezbijedi kompletan iznos od 6.100.000 KM za izvođenje svih radova na Projektu. U vezi sa navedenim u prostorijama Zavoda za izgradnju KS, dana 18.01.2023. godine, održan je sastanak kojem su pored predstavnika Zavoda za izgradnju Kantona Sarajevo prisustvovali i predstavnici JU Zavod za hitnu medicinsku pomoć Kantona Sarajevo, kao i predstavnici Općine Novo Sarajevo i Ministarstva zdravstva Kantona Sarajevo. Na pomenutom sastanku između ostalih jedna od tema bila je i rast cijena građevinskog materijala kao i cijena usluga izvođenja radova koji se desio od usvajanja Projekta od strane Vlade Kantona Sarajevo. Cijeneći praksu finansiranja višegodišnjih kapitalnih projekata iz oblasti zdravstva, čija realizacija iz objektivnih razloga nije bila moguća u jednoj bužetskoj godini, zaključak je bio da se sa projektantom razmotri mogućnost razdvajanja projektne dokumentacije kako bi se radovi izvodili fazno. Način finansiranja Projekta bio je i predmetom razgovora na sastanku održanom u mjesecu maju 2023. godine u Ministarstvu finansija KS, na kojem je istaknuto od strane predstavnika navednog ministarstva da pri realizaciji višegodišnjih projekata nije praksa da se na samom početku realizacije određenog projekta obezbijedi kompletan iznos sredstava potrebnih za realizaciju istog. Obzirom na naprijed navedeno, kao i činjenicu da za višegodišnje kapitalne projekte iz oblasti zdravstva nikada nije obezbijeđen kompletan iznos vrijednosti investicije unaprijed, obavijestili smo JU Zavod za hitnu medicinsku pomoć Kantona Sarajevo da to ni u slučaju realizacije predmetnog Projekta neće biti moguće. Shodno navedenom, u izvještajnom periodu nije bilo realizacije ovih sredstava.

4.1. Nabavka opreme za JU Zavod za hitnu medicinsku pomoć KS u iznosu od 50.000 KM – JU Zavod za hitnu medicinsku pomoć je proveo proceduru javne nabavke i 30.12.2021. godine zaključio ugovor sa izabranim dobavljačem o nabavci vozila za potrebe prevoza hemodijaliznih



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-104, Fax: + 387 (0) 33 562-243
Web: <http://mz.ks.gov.ba>, E-mail: mz@mz.ks.gov.ba

pacijenata. Izabrani dobavljač isporučio je vozilo, sredstva planirana u Budžetu KS za ove namjene doznačena su JU Zavod za hitnu medicinsku pomoć KS koja je, 08.08.2022. godine, cjelokupan ugovoreni iznos (78.400 KM) isplatila izabranom dobavljaču. Razliku u iznosu do ugovorenog iznosa (28.400 KM) obezbjedila je ustanova iz vlastitih sredstava.

4.2. Nabavka opreme za JU Zavod za zdravstvenu zaštitu žena i materinstva KS u iznosu od 249.000 KM – Ustanova je provela proceduru izbora najpovoljnijeg ponuđača za nabavku aparata za mamografiju. Aparat je isporučen i izvršena je edukacija osoblja, te je aparat stavljen u funkciju. Sredstva u iznosu od 249.000 KM planirana za nabavku aparata za mamografiju su doznačena ustanovi i namjenski su utrošena.

4.3. Sanacija na objektima Kliničkog centra Univerziteta u Sarajevu u iznosu od 150.000 KM – KCUS je ovom ministarstvu u proteklom periodu dostavio dokumentaciju o provedenim postupcima izbora najpovoljnijih ponuđača, te zaključene ugovore sa izabranim ponuđačima u ukupnoj vrijednosti 146.548,35 KM. Nakon potpisivanja ugovora o finansiranju radova između ovog ministarstva i KCUS, sredstva u navedenom iznosu doznačena su KCUS. Izvršeni radovi odnose se na sanaciju trafostanica Ortopedija i CMB, te povezivanje trafostanice Ortopedija na centralni nadzor i upravljanje u objektu CMB-a na etaži 7. Preostalim sredstvima u iznosu od 3.451,65 KM planirana je realizacija III faze radova do kraja 2023. godine.

4.4. Sanacija i adaptacija objekta JU Opća bolnica „Prim. dr Abdulah Nakaš“ u iznosu od 208.000 KM – Dana 29.11.2022. godine JU Opća bolnica „Prim. dr Abdulah Nakaš“ je dostavila ovom ministarstvu dokumentaciju o provedenom postupku javne nabavke i zaključen ugovor sa izabranim ponuđačem firmom General constructions d.o.o. Sarajevo. U periodu 01.01. – 30.09.2023. godine utrošen je iznos od 149.300,15 KM. U informaciji dostavljenoj od strane ustanove, za preostala neutrošena sredstva u iznosu od 58.699,85 KM za ove namjene, navodi se da je u dijelu objekta namjenjenog za dnevnu bolnicu u toku prekid radova. Ponuda za nepredviđene upućena je u Zavodu za izgradnju KS. Prema navodima Ustanove potrebno je provođenje Pregovaračkog postupka za naknadne/nepredviđene radove nakon čega se očekuje nastavak radova.

4.5. Sanacija objekta JU Zavod za zdravstvenu zaštitu žena i materinstva KS u iznosu od 30.000 KM – Nakon što je Ustanova provela postupak izbora najpovoljnijeg ponuđača, pristupilo se izvođenju radova, te je na osnovu dostavljene dokumentacije od strane ustanove o okončanim radovima, izabranom izvođaču radova u mjesecu julu 2023. godine doznačen iznos od 27.213,40 KM sa uračunatim PDV-om za izvedene radove. Obzirom da se neutrošenim sredstvima u iznosu 2.786,60 KM planira izvršiti nabavka nove kapije za dvorište centralnog objekta JU Zavod za zdravstvenu zaštitu žena i materinstva Kantona Sarajevo, čime se neće izaći iz okvira Projekta sanacije krovnih površina, terase i dijela dvorišta centralnog objekta JU Zavod za zdravstvenu zaštitu žena i materinstva Kantona Sarajevo, Ministarstvo zdravstva Kantona Sarajevo je početkom avgusta 2023. godine dalo saglasnost da se preostala neutrošena sredstva u navedenom iznosu utroše za nabavku nove kapije za dvorište centralnog objekta JU Zavod za zdravstvenu zaštitu žena i materinstva Kantona Sarajevo.

4.6. Nabavka opreme za JU Opća bolnica „Prim. dr Abdulah Nakaš“ u iznosu od 84.000 KM - JU Opća bolnica „Prim. dr Abdulah Nakaš“ je dostavila dokumentaciju o provedenom postupku javne nabavke ultrazvučnog aparata za Kliniku za urologiju. Na temelju potpune dokumentacije o provedenom postupku, ovo ministarstvo je pripremilo ugovor o finansiranju navedenog aprata i obezbijedena sredstva u iznosu 80.496 KM su doznačena JU Opća bolnica „Prim. dr Abdulah Nakaš“. Manji utrošak sredstava u odnosu na odobreni iznos za Projekat je rezultat provedenih postupaka javnih nabavki i ugovorenih nižih cijena u odnosu na procijenjene vrijednosti u Projektu. JU Opća bolnica "Prim. dr Abdulah Nakaš" je ovom ministarstvu dostavila akt broj: 021-9572-2/22



od 01.11.2022. godine, kojim se predlaže da se neutrošena kreditna sredstva u iznosu od **3.504,00 KM** usmjere za nabavku urološkog laserskog fibera – 1 kom. JU Opća bolnica "Prim. dr Abdulah Nakaš" je ovom ministarstvu u mjesecu septembru 2023. godine dostavila kompletnu dokumentaciju za nabavku laserskog fibera - 1 komad za Urologiju. U narednom periodu pristupiće se potpisivanju ugovora između ovog ministarstva i JU Opća bolnica "Prim. dr Abdulah Nakaš", nakon čega će doći do povlačenja kreditnih sredstava.

Realizacija kreditnih sredstva iz 2022. godine

Ministarstvo finansija Kantona Sarajevo je aktom broj: 08-04-11-3176-55/22 od 02.09.2022. godine informisalo ovo ministarstvo da su za potrebe finansiranja projekta iz oblasti zdravstva Ministarstvu zdravstva Kantona Sarajevo odobrena sredstva iz kreditnog zaduživanja u 2022. godini u ukupnom iznosu od 4.120.000 KM za slijedeće projekte:

Red. br.	Subanalitika	Opis	Iznos u KM
1.	KAU0C1	Nabavka opreme za održavanje higijene i pripremu i distribuciju hrane u JU Opća bolnica „Prim. Dr Abdulah Nakaš“	900.000
2.	KAU0C8	Nabavka opreme za JU Zavod za transfuzijsku medicinu F BiH	460.000
3.	KAU0C9	Nabavka opreme za potrebe JU Zavod za zdravstvenu zaštitu zaposlenika MUP-a Kantona Sarajevo	110.000
4.	KAU0B1	Rekonstrukcija Centralnog objekta JU Zavod za hitnu medicinsku pomoć Kantona Sarajevo	1.000.000
5.	KAU0B7	Rekonstrukcija objekata kogeneracijskog postrojenja u Centru za upravljanje medicinskim otpadom u Kliničkom centru Univerziteta u Sarajevu	550.000
6.	KAU0B8	Sanacija trafostanice 925 – stara hirurgija u Kliničkom centru Univerziteta u Sarajevu	100.000
7.	KAU0C3	Rekonstrukcija i integracija operacionih sala u JU Opća bolnica „Prim. Dr Abdulah Nakaš“	1.000.000

U vezi sa odobrenim dugoročnim kreditnim sredstvima za projekte iz oblasti zdravstva u 2022. godini, obavještavamo vas da je Ministarstvo zdravstva Kantona Sarajevo potpisalo sporazume sa gore navedenim ustanovama kojim se definišu detalji oko realizacije odobrenih sredstava. Sporazumima je regulisano da javne zdravstvene ustanove Kantona Sarajevo, koje su implementatori projekata, pokrenu procedure javnih nabavki za izbor najpovoljnijeg ponuđača u skladu sa Zakonom o javnim nabavkama što su iste i učinile, te vas u vezi sa navedenim obavještavamo o slijedećem:

1. Nabavka opreme za održavanje higijene i pripremu i distribuciju hrane u JU Opća bolnica „Prim. Dr Abdulah Nakaš“ (900.000 KM)

Prema informaciji dostavljenoj od strane JU Opća bolnica „Prim. dr Abdulah Nakaš“ postupak izbora najpovoljnijeg ponuđača je okončan. Zaključeni su ugovori sa najpovoljnijim ponuđačem i to: 1. Artika d.o.o. Sarajevo za LOT 1 - Nabavka opreme za pripremu i distribuciju hrane - ugovor zaključen 09.08.2023. godine, 2. Artika d.o.o. Sarajevo za LOT 2 -



Nabavka opreme za održavanje higijene - ugovor zaključen dana 06.07.2023. godine. Rok isporuke predmetne robe je 90 dana od dana potpisa ugovora odnosno do 06.10.2023. godine za LOT 1, a za LOT 2 do 09.11.2023. godine. Nakon isporuke robe, JU Opća bolnica "Prim. dr Abdulah Nakaš" ovom ministarstvu će dostaviti kompletnu dokumentaciju vezanu za nabavku opreme za održavanje higijene i pripremu i distribuciju hrane u JU Opća bolnica „Prim. Dr Abdulah Nakaš“, kako bi se pristupilo potpisivanju ugovora između ovog ministarstva i JU Opća bolnica "Prim. dr Abdulah Nakaš", nakon čega će doći do povlačenja kreditnih sredstava.

2. Nabavka opreme za JU Zavod za transfuzijsku medicinu F BiH (460.000 KM)

Zavod za transfuzijsku medicinu FBiH je proveo proceduru izbora najpovoljnijeg ponuđača, te je na temelju dostavljene dokumentacije ovo ministarstvo potpisalo ugovor o finansiranju nabavke uređaja za testiranje krvi na krvlju prenosive bolesti metodom single Nucleic acid testing – NAT i doznačilo sredstva Zavodu u iznosu od 458.640 KM.

3. Nabavka opreme za potrebe JU Zavod za zdravstvenu zaštitu zaposlenika MUP-a Kantona Sarajevo (110.000 KM)

JU Zavod za zdravstvenu zaštitu zaposlenika MUP-a Kantona Sarajevo je krajem mjeseca septembra 2023. godine ovom ministarstvu dostavio dokumentaciju vezanu za nabavku medicinske opreme za potrebe JU Zavod za zdravstvenu zaštitu zaposlenika MUP-a Kantona Sarajevo. Nakon pregleda dostavljene dokumentacije, sa aspekta kompletnosti iste, potpisan je ugovor o finansiranju nabavke opreme između Ministarstva zdravstva i JU Zavod za zdravstvenu zaštitu zaposlenika MUP-a Kantona Sarajevo, a zahtjev za povlačenje sredstava u iznosu 107.400,15 KM upućen Ministarstvu finansija Kantona Sarajevo u mjesecu oktobru 2023. godine.

4. Rekonstrukcija objekata kogeneracijskog postrojenja u Centru za upravljanje medicinskim otpadom u Kliničkom centru Univerziteta u Sarajevu (550.000 KM)

Izvođač radova, prema informaciji Kliničkog centra Univerziteta Sarajevo, na predmetnom projektu je firma Kolinvest d.o.o. Sarajevo, sa kojim je ova ustanova sklopila ugovor br. 01-04-11-56312 od 31.05.2023. godine u vrijednosti od 468.420,00 KM bez PDV-a (548.051,40KM sa PDV-om). Izvođač radova je uveden u posao dana 30.06.2023. godine, a rok završetka je 90 kalendarskih dana. Izvođač je imao zastoje u radu zbog vrućine i zbog nepredviđenih radova, pa je dostavio inovirani dinamički plan sa rokom završetka do kraja oktobra. Krajem mjeseca septembra 2023. godine Klinički centar Univerziteta Sarajevo je ovom ministarstvu dostavio dokumentaciju vezanu za izbor najpovoljnijeg ponuđača za izvođenje radova po ovom projektu. Nakon pregleda dostavljene dokumentacije, sa aspekta kompletnosti iste, ugovor o finansiranju izvođenja radova između Ministarstva zdravstva i Kliničkog centra Univerziteta Sarajevo upućen je navedenoj ustanovi na potpis.

5. Sanacija trafostanice 925 – stara hirurgija u Kliničkom centru Univerziteta u Sarajevu (100.000 KM)

Nakon provedene procedure javne nabavke, Klinički centar Univerziteta Sarajevo je sa izabranim dobavljačem, firmom "DELING" d.o.o. Tuzla, potpisao ugovor o izvođenju radova br. 01-04-11-188-12. Krajem mjeseca septembra 2023. godine Klinički centar Univerziteta Sarajevo je ovom ministarstvu dostavio dokumentaciju vezanu za izbor najpovoljnijeg ponuđača za izvođenje radova po ovom projektu. Nakon pregleda dostavljene dokumentacije, sa aspekta kompletnosti iste, ugovor o finansiranju izvođenja radova između Ministarstva zdravstva i Kliničkog centra Univerziteta Sarajevo upućen je navedenoj ustanovi na potpis.

6. Rekonstrukcija i integracija operacionih sala u JU Opća bolnica „Prim. Dr Abdulah Nakaš“ (1.000.000 KM)

Prema informaciji dostavljenoj od strane JU Opća bolnica „Prim. Dr Abdulah Nakaš“ pripremljena je tenderska dokumentacija kako bi se objavio javni poziv za izbor najpovoljnijeg ponuđača za izvođenje radova na rekonstrukciji i integraciji operacionih sala u JU Opća bolnica „Prim. Dr Abdulah Nakaš“, na koju direktor Ustanove treba dati saglasnost kako bi se objavila javna nabavka.



Adresa: Reisa Džemaludina Čauševića 1. 71 000 Sarajevo

Tel: + 387 (0) 33 562-104, Fax: + 387 (0) 33 562-243

Web: <http://mz.ks.gov.ba>, E-mail: mz@mz.ks.gov.ba

8/11

Ministarstvo zdravstva Kantona Sarajevo je u mjesecu januaru 2023. godine zaprimilo Odluku o zaduženju Kantona Sarajevo za kredite, broj: 02-04-51323-61/22 od 29.12.2022. godine kojom su odobrena kreditna sredstva u iznosu 690.000 KM za Projekat sanacije fasade i ugradnje termofasade na objektu JU Opća bolnica „Prim. dr Abdulah Nakaš“.

Nakon što je Vlada KS donijela Odluku o unosu razgraničenih namjenskih prihoda i primitaka iz 2022. godine u Budžet Kantona Sarajevo za 2023. godinu, Ministarstvo zdravstva je sa navedenom ustanovom potpisalo Sporazum broj: 10-11-20618/23 od 23.05.2023. godine kojim se definiraju detalji oko realizacije odobrenih sredstava. Prema informaciji dostavljenoj od strane JU Opća bolnica „Prim. dr Abdulah Nakaš“, Projekat je od strane Zavoda za izgradnju Kantona Sarajevo vraćen projektantu na doradu. Po otklanjanju nedostataka pokrenuti će se postupak javne nabavke.

Pored navedenog, Odlukom Vlade Kantona Sarajevo, br.: 02-04-27491-1/22, 02-04-27491-2/22 i 02-04-31703-3/22 odobren je unos sredstava u Budžet Kantona Sarajevo za 2022. godinu u iznosu od 36.178.423 KM, koja su Kantonu Sarajevo uplaćena od strane Federacije BiH. Od navedenog iznosa, sredstva u visini 350.000 KM odobrena su za JU Opća bolnica “Prim. dr Abdulah Nakaš” na ime zamjene postojećeg sistema ventilacije i klimatizacije, koja su Odlukom Vlade Kantona Sarajevo, broj: 02-04-8837-25/23 od 06.04.2023. godine, razgraničena u Budžet Kantona Sarajevo za 2023. godinu, na razdjel Ministarstva zdravstva Kantona Sarajevo.

U vezi sa odobrenim sredstvima sa navedenom ustanovom potpisan je sporazum, kojim se definiraju detalji oko realizacije odobrenih sredstava. Nakon potpisivanja pomenutog sporazuma u mjesecu avgustu 2021. godine JU Opća bolnica “Prim. dr Abdulah Nakaš” je preuzela obavezu da pokrene proceduru izbora najpovoljnijeg ponuđača za zamjenu postojećeg sistema ventilacije i klimatizacije. JU Opća bolnica “Prim. dr Abdulah Nakaš” je u proteklom periodu okončala proceduru izbora najpovoljnijeg ponuđača za zamjenu postojećeg sistema ventilacije i klimatizacije, te je kao najpovoljniji ponuđač izabrana firma CLIMA-TRADE d.o.o. Sarajevo sa kojom je sklopljen Ugovor o izvođenju radova u iznosu od 349.919,15 KM. Ovom ministarstvu je od strane Ustanove dostavljena dokumentacija o provedenom postupku izbora najpovoljnijeg ponuđača i izvedenim radovima u iznosu 338.641,69 KM, na osnovu koje je Ministarstvo zdravstva dalo nalog za doznačavanje navedenog iznosa JU Opća bolnica “Prim. dr Abdulah Nakaš”.

REALIZACIJA KAPITALNIH TRANSFERA IZ 2023. GODINE

Realizacija kreditnih sredstva iz 2023. godine

Dana 12.10.2023. godine Ministarstvo finansija Kantona Sarajevo je aktom broj: 08-04-11-8944-91/23 od 12.10.2023. godine informisalo ovo ministarstvo da su za potrebe finansiranja projekta iz oblasti zdravstva Ministarstvu zdravstva Kantona Sarajevo od ukupno planiranih 4.815.000 KM, do sada ugovorena sredstva iz kreditnog zaduživanja u 2023. godini u iznosu od 1.917.700 KM za slijedeće projekte:

Red. br.	Subanalitika	Opis	Iznos u KM
1.	KAU0D1	Nabavka medicinske opreme za potrebe KCUS-a	650.000
2.	KAU0D2	Sanacija odjela za patologiju i prosekturu u JU Opća bolnica "Prim.dr Abdulah Nakaš"	550.000
3.	KAU0D3	Sanacija ravnih krovova i podova na	505.000



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-104, Fax: + 387 (0) 33 562-243
Web: <http://mz.ks.gov.ba>, E-mail: mz@mz.ks.gov.ba

		objektu JU Opća bolnica "Prim.dr Abdulah Nakaš"	
4.	KAU0D6	Nabavka opreme za potrebe JU Zavod za zdravstvenu zaštitu žena i materinstva Kantona Sarajevo	100.000
5.	KAU0D8	Nabavka opreme za potrebe JU Zavod za zdravstvenu zaštitu zaposlenika MUP-a Kantona Sarajevo	42.700
6.	KAU0D9	Sanacija krovnih površina na objektu JU Zavod za zdravstvenu zaštitu žena i materinstva Kantona Sarajevo	70.000
UKUPNO:			1.917.700

U vezi sa odobrenim dugoročnim kreditnim sredstvima za projekte iz oblasti zdravstva u 2023. godini, obavještavamo vas da će Ministarstvo zdravstva Kantona Sarajevo u narednom periodu potpisati sporazume sa gore navedenim ustanovama kojim se definiiraju detalji oko realizacije odobrenih sredstava.

Realizacija sredstva iz izvora 10 i 50 u 2023. godini

Odlukom o usvajanju Programa utroška sredstava sa kriterijima raspodjele sredstava tekućih i kapitalnih transfera utvrđenih Budžetom Kantona Sarajevo za 2023. godinu Ministarstva zdravstva Kantona Sarajevo (br: 02-04-19964-4/23; 02-04-35120-23/23 i 02-04-40230-8/23) raspoređena su sredstva planirana na poziciji Izgradnja, rekonstrukcija i opremanje javnih zdravstvenih ustanova Kantona Sarajevo. Na pomenutoj poziciji na izvoru 10 planirana su sredstva u iznosu 933.000 KM, a na izvoru 50 planirana su sredstva u iznosu od 813.657 KM. Preraspodjelama sredstava na ovu poziciju preusmjeren je iznos od 375.000 KM na izvor 50, te se na ovom izvoru raspolaže ukupnim sredstvima u iznosu od 1.188.657 KM.

U izvještajnom periodu sa **izvora 10** realizovan iznos od 104.410,80 KM i to za nabavku ultrazvučnog aparata sa dvije sonde za potrebe JU Zavod za zdravstvenu zaštitu žena i materinstva Kantona Sarajevo.

Kada je riječ o **izvoru 50**, na istom su planirana sredstva dodijeljena Odlukom o raspodjeli sredstava iz Budžeta institucija Bosne i Hercegovine namijenjenih za saniranje ekonomskih šteta uzrokovanih epidemijom COVID-19 ("Službeni glasnik BiH", broj 65/20) u iznosu od 813.657 KM i sredstva u iznosu 375.000 KM obezbijedena preraspodjelom.

a) Odlukom Ministarstva zdravstva Kantona Sarajevo broj: 10-11-27343/21 od 06.07.2021. godine, sredstva u iznosu od 813.657 KM raspoređena su za slijedeće namjene:

- za nabavku opreme neophodne u borbi protiv pandemije COVID-19 za potrebe JU Dom zdravlja Kantona Sarajevo odobrena su sredstva u iznosu od 405.171 KM,
- za nabavku opreme neophodne u borbi protiv pandemije COVID-19 za potrebe JU Opća bolnica "Prim. dr Abdulah Nakaš" Sarajevo odobrena su sredstva u iznosu 408.486 KM.

U cilju realizacije navedenih sredstava Ministarstvo zdravstva Kantona Sarajevo je u oktobru 2021. godine zaključilo Sporazume sa JU Dom zdravlja Kantona Sarajevo i JU Opća bolnica "Prim. dr Abdulah Nakaš" Sarajevo, kojim je regulisano, između ostalog, da navedene ustanove, kao implementatori projekta, pokrenu procedure javnih nabavki u skladu sa Zakonom o javnim nabavkama.

Obzirom da do kraja 2022. godine nije bilo realizacije navedenih sredstava, ista su Odlukom Vlade Kantona Sarajevo broj: 02-04-8837-25/23 od 06.04.2023. godine razgraničena u Budžet



Adresa: Reisa Džemaludina Čauševića 1. 71 000 Sarajevo
Tel: + 387 (0) 33 562-104, Fax: + 387 (0) 33 562-243
Web: <http://mz.ks.gov.ba>, E-mail: mz@mz.ks.gov.ba

10/11

Kantona Sarajevo za 2023. godinu, na razdjelu Ministarstva zdravstva Kantona Sarajevo u okviru Programa utroška sredstava Ministarstva zdravstva za 2023. godinu.

U izvještajnom periodu JU Dom zdravlja KS okončala je postupak nabavke radiološke opreme za potrebe JU Dom zdravlja KS (digitalni RTG aparat - 1 kom.; digitalni detektor - 3 kom.; dijagnostički medicinski monitori - 3 kom.). Nakon što je od strane Ustanove dostavljena dokumentacija kojom se dokazuje da je oprema isporučena, izvršena edukacija osoblja za rad na istoj, te stavljena u funkciju, Ministarstvo zdravstva je sa navedenom ustanovom u mjesecu aprilu 2023. godine potpisalo Ugovor broj: 10-11-36747-U/21, kojim se definišu detalji oko realizacije sredstava namjenjenih za saniranje ekonomskih šteta uzrokovanih pandemijom COVID 19. Na osnovu navedenog, u izvještajnom periodu, sredstva u iznosu od 405.171 KM planirana za nabavku navedene opreme doznačena su ustanovi i namjenski utrošena.

Takođe, JU Opća bolnica "Prim. dr Abdulah Nakaš" je provela postupak nabavke opreme iz sredstava namjenjenih za saniranje ekonomskih šteta uzrokovanih pandemijom COVID 19 i to nabavku: monitora 20" – 1 kom., tromonitorske dijagnostičke radne stanice – 7 kom., softverske platforme na dijagnostičkim radnim stanicama i hardverska oprema za uvezivanje svih radnih stanica, UV-C protočne antibakterijske lampe za dezinfekciju prostora – 10 kom., frižidera za potrebe Odjeljenja za medicinsko-biohemijsku laboratorijsku dijagnostiku – 2 kom.. Ova oprema je isporučena ustanovi, izvršena je edukacija osoblja za rad, te je stavljena u funkciju. Ministarstvo zdravstva je sa JU Opća bolnica "Prim. dr Abdulah Nakaš" u mjesecu junu 2023. godine potpisalo Ugovor broj: 10-11-36748-U/21, kojim se definišu detalji oko realizacije sredstava namjenjenih za saniranje ekonomskih šteta uzrokovanih pandemijom COVID 19, a čija vrijednost iznosi 408.486 KM. Ukupna cijena ugovorene nabavke iznosi 413.692,11 KM, te je razliku sredstava do punog iznosa snosila ustanova. Ovoj ustanovi je u izvještajnom periodu, tačnije u mjesecu maju doznačen iznos od 408.486 KM planiran za nabavku opreme neophodne u borbi protiv pandemije COVID-19 za potrebe JU Opća bolnica "Prim. dr Abdulah Nakaš".

b) Za nabavku rtg aparata za potrebe JU Zavod za hitnu medicinsku pomoć KS obezbijedena su sredstva u iznosu od 375.000 KM putem preraspodjele (izvor 50). Postupak izbora najpovoljnijeg ponuđača je u toku.

S poštovanjem,

MINISTAR

Prof. dr Haris Vranić



Adresa: Reisa Džemaludina Čauševića 1. 71 000 Sarajevo
Tel: + 387 (0) 33 562-104, Fax: + 387 (0) 33 562-243
Web: <http://mz.ks.gov.ba>, E-mail: mz@mz.ks.gov.ba

11/11

